


Vodič za pripremu i odabir prijedloga projekata



Lokaliziranje gendera u Federaciji Bosne i Hercegovine

SADRŽAJ

1. UVOD.....	3
2. OPRAVDANOST, FINANSIRANJE I IMPLEMENTACIJA PROJEKATA.....	3
3. PREDUSLOVI ZA UČEŠĆE OPĆINA	4
4. IDENTIFIKACIJA I SELEKCIJA PROJEKATA	5
4.1. JAVNI POZIV I OCJENA RELEVANTNOSTI.....	5
4.2. INFO SASTANCI I OBUKE	7
4.3. PRIPREMA I DOSTAVLJANJE PRIJEDLOGA PROJEKATA	7
4.4. ODABIR PROJEKATA ZA FINANSIRANJE	10
4.4.1. Administrativna provjera	10
4.4.2. Incijalna ocjena prihvatljivosti prijedloga projekata.....	10
4.4.3. Finalno rangiranje i odabir prijedloga projekata za finansiranje.....	12
4.5. OBAVIJEST O REZULTATIMA POZIVA ZA PODNOŠENJE PRIJEDLOGA PROJEKATA	14
4.6. POTPISIVANJE GRANT SPORAZUMA	14
5. INDIKATIVNI VREMENSKI OKVIR	15
6. DODACI	15
DODATAK I: TABELA ZA INCIJALNU OCJENU PRIHVATLJIVOSTI PRIJEDLOGA PROJEKATA.....	16

Lokaliziranje gendera u Federaciji Bosne i Hercegovine

LGFBiH Vodič za pripremu i odabir prijedloga projekata definira kriterije koje prijedlozi projekata moraju ispuniti da bi bili financirani od strane LGFBiH programa. Vodič objašnjava proces u kojem će specifični projekti biti pripremani, predlagani i odobravani. Namjera vodiča je da služi programskom osoblju, članovima općinskih gender radnih grupa, potencijalnim aplikantima i svim drugim zainteresiranim stranama. Vodič je radni dokument i LGFBiH zadržava pravo izmjena i dopuna.

1. Uvod

Program Lokaliziranje gendera u Federaciji Bosne i Hercegovine (LGFBiH) je zajednička inicijativa Gender Centra Federacije Bosne i Hercegovine i Holandske organizacije za razvoj (SNV), a koja se provodi uz finansijsku podršku UN WOMEN Fonda za ravnopravnost spolova. Program je od iznimne važnosti za potpunu provedbu odredbi Zakona o ravnopravnosti spolova i Gender akcionog plana Bosne i Hercegovine na lokalnom nivou. Program ima za cilj političko i ekonomsko osnaživanje žena u najmanje pet (5) ruralnih i urbanih općina u Federaciji Bosne i Hercegovine (FBiH). Ovaj cilj će biti ostvaren izgradnjom kapaciteta za ostvarivanje prava zagarantiranih Zakonom o ravnopravnosti spolova Bosne i Hercegovine te podrškom pripremi i provedbi razvojnih planova i projekata.

LGFBiH se implementira u 7 partnerskih općina: Orašje, Sanski Most, Doboju Jug, Sapna, Novi Travnik, Žepče i Novi Grad Sarajevo.

LGFBiH je podržao pripremu lokalnih gender akcionih planova u partnerskim općinama te će pružiti podršku implementaciji prioriternih projekata koji doprinose implementaciji planova i postizanju postavljenih ciljeva, a koji se odnose na političko i ekonomsko osnaživanje žena u partnerskim općinama.

2. Opravdanost, finansiranje i implementacija projekata

Izrada lokalnih gender akcionih planova u partnerskim općinama je u završnoj fazi, a neke općine su već pristupile njihovom usvajanju. Generalno gledajući, evidentno je da općine u BiH imaju nedovoljne kapacitete za pripremu projektnih prijedloga i upravljanje projektnim ciklusom, a što je osnovni uslov za uspješnu implementaciju razvojnih planova, pa tako i gender akcionih planova.

Pored podrške u procesima participatorne izrade gender akcionih planova i izgradnje organizacionih i individualnih kapaciteta za implementaciju Zakona o ravnopravnosti spolova, među osnovnim ciljevima LGFBiH-a jeste i pružanje podrške partnerskim općinama koje su finalizirale procese planiranja, da krenu sa implementacijom planova kroz identifikaciju i podršku u pripremi i implementaciji konkretnih prioriternih projekata koji proizilaze iz akcionog plana.

Podsticajna sredstva za implementaciju prioriternih intervencija, iz gender akcionih planova, u općinama koje su uspješno finalizirale i pokrenule proceduru usvajanja planova, će kreirati pozitivne i konkretne promjene u životima lokalnog stanovništva, prije svega žena. Kroz ovaj proces, LGFBiH će raditi na jačanju kapaciteta predstavnika općina za vođenje i aktivno učestvovanje u dugoročnom održivom socio-ekonomskom razvoju njihovih zajednica, a sve sa ciljem da oni preuzmu punu odgovornost za daljnji razvoj.

LGFBiH predviđa podsticajna sredstva u iznosu do 40.000,00 USD po općini, dok se od općina očekuje dodatni doprinos u iznosu od najmanje 10% od ukupnih direktnih troškova svakog projekta izabranog za implementaciju. Svaka od partnerskih općina može očekivati

Lokaliziranje gendera u Federaciji Bosne i Hercegovine

podršku implementaciji najviše do dva prioriteta projekta, i to jedan iz političke, a drugi iz ekonomske sfere (zapošljavanje), sa akcentom na poljoprivredu i ruralni razvoj.

Implementator projekta može biti NVO, Općina, javna institucija/preduzeće ili drugo pravno lice. Bez obzira ko je implementator projekta, od Općine se očekuje da osigura neophodna finansijska sredstva u iznosu od *približno 10 %* od ukupnih direktnih troškova svakog odabranog projekta, u ukupnom iznosu ne manjem od 4.000,00 USD.

Podrška će biti data projektima koji će imati razvojni efekat i koji imaju pozitivan utjecaj na zapošljavanje žena, smanjenje siromaštva, marginalizacije, kao i uključivanje u socijalne tokove žena u partnerskim općinama, imajući na umu činjenicu da su provedene analize pokazale da su žene u nepovoljnijem položaju. Pored finansijske podrške, od Općine se očekuje da osigura i drugu nefinansijsku podršku, kao što je angažiranje tehničkih stručnjaka neophodnih za implementaciju specifičnih projekata ili osiguravanje prostora za sastanke.

Projekti odabrani za implementaciju sa LGFBiH-a trebaju rezultirati sa:

- brzim, troškovno isplativim intervencijama;
- vidljivim, trenutnim i održivim rezultatima;
- kreiranjem konkretnih efekata (mogućnost pozitivne promjene, npr. zapošljavanje što većeg broja žena);
- koristima za specifične ranjive grupe žena (identificiranim tokom procjene stanja i planiranja);
- jačanjem kapaciteta žena, naročito pripadnica marginaliziranih kategorija.

Ova aktivnost će omogućiti implementaciju nekih od prioriteta projekata u partnerskim općinama iz oblasti ekonomskog i političkog razvoja, čime će se direktno doprinijeti poboljšanju kvaliteta života u lokalnim zajednicama i osigurati veći razvojni efekti.

3. Preduslovi za učešće općina

Da bi se projekti u partnerskim općinama mogli uzeti u razmatranje za finansijsku podršku u okviru LGFBiH-a, partnerske općine trebaju ispunjavati sljedeće preduslove:

- Općina uspješno završila proces izrade gender akcionog plana te pokrenuta procedura usvajanja akcionog plana od strane OV-a. Prije transfera bilo kojih finansijskih sredstava, gender akcioni plan treba biti usvojen od strane OV-a.
- Ranije uspostavljena gender radna grupa radi u punom kapacitetu i preuzima sve obaveze definirane sporazumom potpisanim sa Gender Centrom Federacije Bosne i Hercegovine i SNV-om.
- Općina ostaje pri svim obavezama preuzetim prilikom potpisivanja Ugovora o partnerstvu u septembru 2011. godine, uključujući i obaveze sufinansiranja odabranih projekata;
- Općina u budžetu za 2013. godinu osigurala finansijska sredstva u iznosu od minimalno 10% od ukupnih direktnih troškova projekata, ne manje od 4.000,00 USD.

4. Identifikacija i selekcija projekata

Proces predselekcije i prioritizacije potencijalnih projekata sastoji se od nekoliko koraka, kao što je ispod predstavljeno.

4.1. Javni poziv i ocjena relevantnosti

Proces započinje javnim pozivom koji svim zainteresiranim stranama upućuje LGFBiH. Javnim pozivom se definira tko može podnijeti projektne prijedloge, kakvi će projekti i na kojem području biti podržani, kako će biti organizirana selekcija te pružena podrška provedbi projekata.

LGFBiH upućuje javni poziv zainteresiranim subjektima da iskažu svoj interes za implementaciju projektnih ideja sadržanih u gender akcionim planovima sedam partnerskih općina, ili drugih projekata, a koji mogu suštinski doprinijeti političkom ili ekonomskom osnaživanju žena u partnerskim općinama, dostavljanjem pisma interesa. **Pismo interesa se dostavlja na adresu LGFBiH programa (e-mail: sarajevo-info@snvworld.org i/ili fax (033) 213 818),** a u njemu se izražava interes navedenog subjekta za implementaciju konkretne projektne ideje. U pismu, na maksimalno jednoj stranici, treba biti dato:

- kratko obrazloženje razloga za odabir navedene projektne ideje iz akcionog plana Bitno je naglasiti da parametri navedeni u gender akcionom planu (npr. potencijalni nositelj implementacije projekta, vrijednost projekta, duljina trajanja projekta i drugo) mogu biti prilagođavani, imajući u vidu da su prethodno bili samo indikativno definirani;
- ukoliko predložena projektna ideja nije dio akcionog plana, potrebno je dati dodatno obrazloženje te ideje, tj. kako bi njena implementacija mogla doprinijeti snažnom političkom ili ekonomskom osnaživanju žena;
- kratko obrazloženje same projektne ideje;
- opis kapaciteta navedenog subjekta za implementaciju projekta, uključujući i kontakt detalje ključnog osoblja koje bi bilo angažovano na projektu.

Javni poziv će biti objavljen na web stranici LGFBiH-a, web stranicama i oglasnim pločama općina partnera, kao i u drugim sredstvima informiranja. **Javni poziv za iskazivanje interesa će biti objavljen najkasnije 1.10.2012. godine. Rok za dostavu inicijalnih pisama interesa će biti najmanje sedam dana, najkasnije 08.10.2012. godine.** U slučaju da iz nekih od općina ne bude iskazan očekivani interes, LGFBiH zadržava pravo da prolongira rok za dostavu pisama interesa, za najviše do 7 dana. Ovo pomjeranje ne znači automatsko pomjeranje ostalih rokova.

Prilikom ocjene pisama interesa biće razmatrani slijedeći aspekti:

- Svi projekti treba da proizilaze iz gender akcionog plana i/ili suštinski doprinose političkom i/ili ekonomskom osnaživanju žena u jednoj ili više partnerskih općina. Gender akcioni planovi mogu biti preuzeti na www.localizing-gender.ba i zvaničnim web stranicama partnerskih općina, ali i dostavljeni na zahtjev koji treba biti upućen koordinaticama/koordinatorima općinskih gender radnih grupa pojedinih općina i/ili na e-mail LGFBiH programa (sarajevo-info@snvworld.org).
- **Lokacija:** projekti moraju biti implementirani u partnerskim općinama: *Orašje, Sanski Most, Doboju Jug, Sapna, Novi Travnik, Žepče i Novi Grad Sarajevo.*

Lokaliziranje gendera u Federaciji Bosne i Hercegovine

- **Trajanje projekta:** Da li se projekat može implementirati u toku perioda od najviše 8 mjeseci, do 31.8.2013. godine?
- **Tip projekta:** Da li projekat ima razvojni utjecaj? Glavni cilj projekta ne smije biti samo podizanje nivoa svijesti. Projekti mogu biti usmjereni na ekonomsko (zapošljavanje, poljoprivreda, itd) ili političko osnaživanje žena (NVO sektor, izgradnja kapaciteta, izrada i praćenje razvojno-planskih dokumenata, uspostava struktura i mehanizama participacije, organiziranje obuka i seminara, javne rasprave, unapređenje postojećih dokumenata, informativne i medijske kampanje, osnivanje i osnaživanje udruženja i sl.).
- **Vrijednost projekta:** Projekti iz ekonomske sfere mogu imati vrijednost 15.000,00-40.000,00 USD, a iz političke sfere 2.000,00-15.000,00 USD.
- **Utjecaj:** Da li projekat prouzrokuje vidljiv pozitivan utjecaj? Da li je vidljivo da projekat ne stvara negativan utjecaj na društvo ili okoliš?
- **Partnerstvo:** Nema ograničenja u smislu broja partnera na implemenatciji projekata, a partnersvo vladinog, nevladinog i poslovnog sektora će davati dodatnu vrijednost projektima. Prilikom identifikacije partnera, potrebno je pažljivo razmotriti da se osigura da svaki partner ima jasno definiranu ulogu u okviru projekta.
- **Broj prijedloga projekata:** Aplikant može dostaviti više prijedloga projekata u okviru predmetnog poziva. **Aplikant ne može dobiti više od jednog granta u okviru predmetnog poziva za podnošenje prijedloga projekata.** Aplikant može biti partner drugim organizacijama u okviru više od jednog prijedloga projekta.
- **Aktivnosti koje nisu prihvatljive u okviru predmetnog poziva za podnošenje prijedloga projekata:**
 - (a) pojedinačno sponzorstvo za učešće u radionicama, seminarima, konferencijama, kongresima;
 - (b) pojedinačne stipendije za studij ili obuke;
 - (c) finansiranje uobičajenih (rutinskih) aktivnosti lokalnih organizacija, posebno u smislu njihovih operativnih troškova;
 - (d) naučna istraživanja i studije izvodljivosti (osim ako su dio šireg projekta);
 - (e) aktivnosti koje su ideološke ili stranačke;
 - (f) aktivnosti kojima se podržavaju pojedinačne političke stranke;
 - (g) direktne aktivnosti uvoza i izvoza;
 - (h) komercijalne aktivnosti;
 - (i) pružanje socijalnih usluga (hrane, odjeće, itd.);
 - (j) aktivnosti usmjerene isključivo na nabavku opreme ili građevinske radove;
 - (k) aktivnosti koje mogu štetiti ugledu Gender Centra FBiH i/ili SNV-a.

Relevantnost projektne ideje će ocjenjivati LGFBiH tim, a imajući u vidu gender akcione planove partnerskih općina.

Svi podnosioci pisama interesa, a čije projektne ideje budu ocijenjene kao relevantne, će najkasnije 15.10.2012. godine dobiti instrukcije za naredni korak, uključujući informacije o eventualnim info sastancima, obukama i podnošenju prijedloga projekta (finalni obrasci prijedloga projekta).

4.2. Info sastanci i obuke

Ovisno o iskazanom interesu i broju zainteresiranih subjekata, LGFBiH može organizirati informativne sastanke u partnerskim općinama, a sa ciljem pojašnjavanja elemenata javnog poziva i davanja konkretnijih informacija u vezi procesa podnošenja prijedloga projekata. Ovi sastanci trebaju biti održani prije 15.10.2012. godine.


Paralelno, LGFBiH će za članice i članove gender radnih grupa (GRG) u partnerskim općinama organizirati informativne sastanke i obuku, a kako bi se osiguralo njihovo razumijevanje procesa pripreme i odabira prijedloga projekata te osigurali kapaciteti za podršku pripremi i provedbi budućih projekata, a u čemu će GRG-ovi imati bitnu ulogu. Ova obuka treba biti organizirana tokom prve polovine oktobra 2012. godine.

U drugoj polovini oktobra 2012. godine biće, za sve zainteresirane potencijalne aplikante, a koji su dostavili pisma interesa, organizirana obuka sa ciljem izgradnje kapaciteta za pripremu prijedloga projekata, a u kontekstu aktuelnog poziva. Cilj obuke je podrška procesu izrade konkretnih identificiranih prijedloga projekata. Osim obuke biće osigurana i mogućnost pružanja tehničke podrške prilikom izrade prijedloga projekata.

4.3. Priprema i dostavljanje prijedloga projekata

Ključni korak je priprema prijedloga projekta, a na bazi postojeće projektne ideje iz gender akcionog plana ili neke druge ideje koja može doprinijeti snažnom ekonomskom i političkom osnaživanju žena u partnerskim općinama, a koju je na osnovu pisma interesa odobrio LGFBiH tim.

LGFBiH tim će dostaviti sve neophodne obrasce za pripremu prijedloga projekta onim subjektima čije projektne ideje budu ocijenjene kao relevantne. Ovdje dati obraci služe kao primjer i LGFBiH zadržava pravo eventualnih izmjena i dopuna prije dostavljanja obrazaca potencijalnim aplikantima čija pisma interesa budu ocijenjena kao relevantna:



Svaki tim za pripremu prijedloga projekta će, kroz saradnju svih članova tima, te, gdje je to potrebno, u komunikaciji sa drugim akterima, raditi na pripremi prijedloga projekta u skladu sa aplikacionom formom. Prijedlog projekta i obavezna dodatna dokumentacija će predstavljati osnovne dokumente za odobravanje projekta. Stoga, prijedlog projekta je važno predstaviti na jednostavan i jasan način, te osigurati da su sljedeći aspekti uzeti u obzir:

- **Problemi/potrebe koje će projekat riješiti/obrazloženje** za implementaciju projekta;
- **Jasan obuhvat aktivnosti** i njihova vremenska dinamika;
- **Rizici koji mogu otežati i usporiti implementaciju projekta;**
- Očekivani **proizvodi, rezultati i uticaj** koji će se kreirati implementacijom projekta i predloženi **indikator** za njihovo mjerenje;
- **Vrijednost** projekta i finansijsko učešće aplikanta i drugih subjekata;

Lokaliziranje gendera u Federaciji Bosne i Hercegovine

- Tehnička dokumentacija/spremnost projekta za implementaciju krajem decembra 2012. godine (npr. neophodne dozvole i saglasnosti, tehničke specifikacije, predračun radova, potvrde o vlasništvu, itd.), kao i odluka Općinskog vijeća o usvajanju Gender akcionog plana;
- Tim koji će biti odgovoran za kvalitetno upravljanje i implementaciju projekta.

Prihvatljivost troškova

Prihvatljivi troškovi projekta su troškovi koji se direktno odnose na radove, opremu i usluge. Troškovi osoblja i administrativni troškovi se mogu smatrati prihvatljivim u okviru projekata koji će podržati LGFBiH u maksimalnom iznosu do 30% ukupne vrijednosti projekta.

Za dodjelu sredstava u obzir se uzimaju samo „prihvatljivi troškovi“. U nastavku se navode kategorije troškova koje se smatraju prihvatljivim i neprihvatljivim.

Prihvatljivi troškovi:

- nabavka materijala i opreme u svrhu implementacije projekta;
- troškovi osoblja direktno povezani sa projektom;
- štampanje i kopiranje materijala;
- naknade za novinsko oglašavanje i radio emisije;
- troškovi pristupa internetu/pretplata i telekomunikacijski troškovi;
- troškovi prevoza;
- provizije za bankovne usluge;
- drugi administrativni troškovi neophodni za funkcioniranje projekta;
- drugi troškovi neophodni za implementaciju projektnih aktivnosti.

Sljedeći troškovi nisu prihvatljivi:

- dugovanja i rezerve za gubitke ili dugovanja;
- dugovanja po kamati;
- stavke već finansirane u nekom drugom okviru;
- kupovina i iznajmljivanje zemljišta i postojećih zgrada;
- bilo kakvi troškovi leasinga;
- troškovi jamstava i slični izdaci;
- kreditiranje trećih osoba.

Lokaliziranje gendera u Federaciji Bosne i Hercegovine

Nematerijalno učešće

Finansijsko i/ili nematerijalno učešće predstavlja dodatni pokazatelj spremnosti i kapaciteta podnosioca projektnog prijedloga i partnera za uspješno provođenje projekta. Mogući nematerijalni doprinosi su, npr.:

- Troškovi sala/prostorija za sastanke;
- Troškovi za opremu koja se upotrebljava u svrhu uspješne provedbe projekta;
- Troškovi najma kancelarijskog prostora;
- Putni troškovi unutar lokalne zajednice;
- Troškovi distribucije informacija, poštanski troškovi (troškovi knjiženja).

Timovi za pripremu prijedloga projekata će imati mogućnost podrške LGFBiH osoblja i koordinatorica i koordinatora općinskih GRG-ova u svim fazama njihovog rada. Projektni tim može u slučaju potrebe kontaktirati LGFBiH osoblje, te osigurati adekvatnu informaciju i tumačenje, a samim time i neometano odvijanje procesa pripreme prijedloga projekta.

Kontakti osoblja zaduženog za podršku:

Općina Orašje, Andrijana Dujmenović, adujmenovic@gmail.com , +387 (0)31 712 322
Općina Sapna, Fatima Gušić, fata@opcinasapna.ba , +387 (0)35 599 530
Općina Doboju Jug, Afan Aličić, opcinadj@gmail.com , +387(0)32 691 335
Općina Sanski Most, Amer Mezetović, amer@sanskimost.gov.ba , +387 37 685 408
Općina Novi Travnik, Nela Levarda, ont@tel.net.ba ; +387 (0)30 795 600
Općina Žepče, Branka Janko, razepce@gmail.com
Općina Novi Grad Sarajevo, Esad Baždar, razvoj@novigradsarajevo.ba , +387 (0)33 291 100
Nasir Nalić, LGFBiH program menadžer, nnalic@snnworld.org , +387 (0)33 565 630

Krajnji rok za podnošenje prijedloga projekta je ponedjeljak 05.11.2012. godine.

Prijedlog projekta sa dodatnom dokumentacijom treba biti podnesen u dva primjerka lično ili putem preporučene pošte na sljedeću adresu:

Lokaliziranje gendera u Federaciji Bosne i Hercegovine (SNV BiH)

Fra Anđela Zvizdovića 1, B11

71000 Sarajevo, Bosna i Hercegovina

sa naznakom: Za javni poziv za odabir korisnika sredstava „LGFBiH“

„NE OTVARAJ“

4.4. Odabir projekata za finansiranje

4.4.1. Administrativna provjera

Prvi korak u procesu odabira projekata koji će biti finansirani kroz LGFBiH program je administrativna provjera. U toku administrativne provjere osoblje LGFBiH će kontrolirati da li je zadovoljeno sljedeće:

- Da li je ispoštovan rok? U suprotnom, prijedlog projekta se automatski odbija.
- Da li je dostavljena sva neophodna osnovna (obraci prijedloga projekta) i obavezna dodatna dokumentacija (Dokaz o registraciji; Rješenje o poreskoj registraciji, ID broj; Finansijski izvještaj za 2011. godinu; Tehnička dokumentacija i dozvole, ako je relevantno)?
- Dostavljena sva obavezna dodatna dokumentacija. Ukoliko bilo koja od traženih informacija nedostaje ili je netačna, prijedlog projekta može biti odbijen na tom isključivom osnovu i prijedlog se neće dalje ocjenjivati.

Administrativnu provjeru provodi osoblje LGFBiH programa. Administrativna provjera će biti provedena do 8.11.2012. godine.

4.4.2. Inicijalna ocjena prihvatljivosti prijedloga projekata

Gender radna grupa (GRG) predstavlja aktivno tijelo koje ima odgovornost da podržava proces razvoja projekata, selekcije projekata, ali i ukupni proces implementacije, a odgovorna je i da osigura da su svi metodološki koraci primjenjeni ispravno i u skladu sa zadatim rokovima. Da bi odluka GRG-a bila punovažna, sastanku treba prisustvovati više od 50% članica i članova GRG-a, osim ako to internim aktima GRG-a nije drugačije definirano. Članica ili član GRG-a koji bi mogli imati direktne lične koristi od implementacije predloženog projekta (npr. finansijske koristi kao team leader) neće učestvovati u bodovanju projekta za koji su zainteresirani. Imajući u vidu činjenicu da može doći do postojanja eventualne indirektno zainteresiranosti pojedinih članica i/ili članova GRG-a, zbog npr. angažmana u određenom pravnom subjektu, bitno je naglasiti da GRG daje preporuku za podršku, dok LGFBiH vrši naknadno finalno rangiranje i odobrava projekte za implementaciju.

Gender radna grupa svake partnerske općine, uz podršku osoblja LGFBiH programa, provodi inicijalnu ocjenu prihvatljivosti prijedloga projekata sa područja svoje općine. Inicijalna ocjena se provodi na osnovu sažetka prijedloga projekta, koji je sastavni dio cjelokupnog prijedloga projekta, a koji osoblje LGFBiH-a za sve prijedloge projekata iz date općine dostavlja GRG-u date općine najmanje dva dana prije sjednice GRG-a na kojoj će biti vršeno inicijalno ocjenjivanje prihvatljivosti prijedloga projekata. Sastanci općinskih GRG-ova, sa ciljem inicijalne ocjene prihvatljivosti prijedloga projekata, će biti održani u prvoj polovini novembra 2012. godine, prije 18.11.2012. godine

Članovi GRG-a, na osnovu predloženog Dodatka I, vrše ocjenu prihvatljivosti projekata za finansijsku podršku u okviru LGFBiH-a te vrše rangiranje prijedloga. Ukratko, prijedlozi projekata se analiziraju i rangiraju u skladu sa kriterijima za odabir projekata. Važno je naglasiti da je nužno da projektna ideja zadovoljava barem tri od šest postavljenih kriterija.

Koristeći tabelu iz Dodatka I, svaki član svakog općinskog GRG-a vrši procjenu projektnih prijedloga na osnovu svakog postavljenog kriterija, uz kratko obrazloženje na koji način svaka od projektnih ideja ispunjava uslove iz datog kriterija. Istovremeno se projektnim

Lokaliziranje gendera u Federaciji Bosne i Hercegovine

idejama na osnovu svakog kriterija dodjeljuju ocjene od 1 do 5. Nužno je da pri rangiranju projektnih ideja GRG razmotri i ispunjavanje dodatnih kriterija.

Da bi mogli biti razmatrani za finansijsku podršku, projekti moraju ispunjavati bar tri od sljedećih generalnih kriterija:

- Projekat ima višestruki efekat na lokalni razvoj (efekat poluge) i njegovom implementacijom će se direktno stvoriti osnova za implementaciju drugih projekata/aktivnosti;
- Projektni rezultati će imati direktan pozitivan uticaj na veću grupu žena;
- Projektom se omogućava zapošljavanje ili otvara evidentna mogućnost za zapošljavanje većeg broja žena na području općine;
- Projekat direktno i pozitivno utiče na poboljšanje pružanja javnih usluga na području općine;
- Projekat direktno doprinosi poboljšanju kvaliteta života socijalno isključenih/ranjivih kategorija stanovništva na području općine;
- Projektni rezultati će imati direktan pozitivan uticaj na politički i sveukupni društveni angažman žena.

Dodatni bodovi će se dodijeliti projektima koji, pored navedenih generalnih kriterija, ispunjavaju i sljedeće:

- Partneri projekta su privatni i/ili nevladin sektor i/ili insitucije viših nivoa vlasti, koji osiguravaju dodatni finansijski doprinos za njegovu implementaciju.

GRG razmatra projektne ideje na osnovu postavljenih kriterija, time osiguravajući njihov kvalitet i pozitivan utjecaj na lokalnu zajednicu. Cilj primjene ovih kriterija je da se osigura uspješna implementacija zagarantirana putem primjene praktičnog i realnog budžeta i postojanjem neophodnog i nadasve odgovarajućeg okvira za upravljanje.

Za ocjenu projektnih ideja svaka članica ili član GRG-a će koristiti tabelu za rangiranje u okviru Priloga I, kako bi se svaki projekat ocijenio individualno i kako bi se osiguralo da su odabrani projekti za implementaciju zadovoljili potrebne kriterije i da nema preferiranja određenih projekata na osnovu osobnih interesa. Pošto svaki član GRG-a ocijeni svaku projektну ideju, sabiranjem tako dobijenih bodova odredit će se koji prijedlozi su dobili maksimalan broj bodova. Ovo će rezultirati kreiranjem rang liste.

Važno je naglasiti da nakon provedenog rangiranja projektnih ideja, ukupan prosječan zbir bodova projektne ideje mora biti veći od 20, te ispunjeno najmanje tri od šest generalnih kriterija, da bi projektна ideja mogla uopće biti razmatrana. Projektne ideje koji ne dobiju minimalan broj poena i koji se ne mogu poboljšati čak ni uz tehničku pomoć će biti eliminirane iz daljnjeg procesa. **Prijedlozi projekata koji budu ocijenjeni kao prihvatljivi, tj. zadovolje date uslove, će biti predloženi LGFBiH-u na daljnje razmatranje. Ukupan broj prijedloga projekata iz svake općine može biti najviše pet, vodeći računa o tome da budu zastupljeni projekti iz političke i ekonomske sfere.**

Ova aktivnost treba biti okončana najkasnije do 18.11. 2012. godine.

Lokaliziranje gendera u Federaciji Bosne i Hercegovine

4.4.3. Finalno rangiranje i odabir prijedloga projekata za finansiranje

Finalno rangiranje uključuje ocjenu relevantnosti projekta, njegovog doprinosa i učinkovitosti, provodljivosti i održivosti, a u skladu sa kriterijima za ocjenjivanje datih u nastavku. Finalno rangiranje provodi LGFBiH, a imajući u vidu prijedloge GRG-ova u vezi sa ocjenom prihvatljivosti prijedloga projekata.

LGFBiH će prilikom izrade finalne liste projekata za implementaciju voditi računa o:

- Potrebi da budu financirani najkvalitetniji prijedlozi projekata, a koji garantiraju najveće rezultate u smislu političkog i ekonomskog osnaživanja žena;
- Potrebi da bude financiran približno isti broj prijedloga projekata iz političke i ekonomske sfere;
- Potrebi da sve općine učesnice budu zastupljene na listi projekata koji će biti podržani;
- Ograničenju u smislu činjenice da iz jedne općine trebaju biti financirana dva prijedloga projekta;
- Intenciji da vrijednost investicija u sve partnerske općine bude što više balansirana;
- Raspoloživim finansijskim sredstvima;
- U slučaju da iz neke od općina ne dođe dovoljan broj kvalitetnih prijedloga projekata, LGFBiH program zadržava pravo da sredstva preusmjeri u projekte iz drugih općina.

Ipak, glavni i preovlađujući kriterijum za finansiranje projekata je kvaliteta svakog pojedinačnog prijedloga projekta.

Evaluacijski kriteriji omogućuju da se kvalitet prijavljenih projekata ocjenjuje u odnosu na postavljene ciljeve i prioritete i da se grant dodjeljuje za aktivnosti koje maksimiziraju ukupnu učinkovitost poziva za podnošenje prijedloga projekata. Nadalje, kriteriji omogućuju odabir prijave za koje LGFBiH i partneri mogu biti sigurni da će doprinijeti ciljevima i prioritetima i garantuju vidljivost poziva za podnošenje prijedloga projekata. Kao takvi, obuhvataju aspekte kao što su relevantnost aktivnosti, dosljednosti s ciljevima poziva za podnošenje prijedloga, kvaliteta, očekivanog učinka, održivosti i ekonomičnosti.

Evaluacijski kriteriji su podijeljeni u kategorije i potkategorije, gdje se svaka potkategorija boduje u omjeru od 1 do 5/10/15, gdje je 1 vrlo loše a 5/10/15 odlično.

Evaluacijski dio	Rezultat	
	Bodovi	Ukupni maks. broj bodova
1. Operativni kapaciteti		
1.1 Da li podnosilac prijedloga i, ako je to primjenjivo, partneri imaju dovoljno iskustva u upravljanju projektima (npr. u implementaciji projekata slične prirode i obima)?	10	20
1.2 Da li podnosilac prijedloga i, ako je to primjenjivo, partneri imaju dovoljno upravljčkih kapaciteta ? (Uključujući osoblje, opremu i sposobnost rukovođenja koordinacijom i budžetom za implementaciju projekta)?	10	

Lokaliziranje gendera u Federaciji Bosne i Hercegovine

2. Relevantnost projektnog prijedloga	Bodovi	Ukupni maks. broj bodova
2.1 Relevantnost projektnog prijedloga u smislu potreba identificiranih kroz gender analizu i postavljene ciljeve u smislu političkog i ekonomskog osnaživanja žena (zapošljavanje, itd.).	15	30
2.2. Relevantnost i jasna definicija ciljnih grupa u okviru projektnog prijedloga, posebno s obzirom na omogućavanje uključivanja i učinkovitog učešća socijalno isključenih/ranjivih grupa.	15	
3. Metodologija, učinkovitost i izvodljivost projekta	Bodovi	Ukupni maks. broj bodova
3.1. Da li su predložene aktivnosti prikladne, praktične i u skladu sa ciljevima i očekivanim rezultatima?	5	30
3.2. Ocjena uloge i uključivanje svih zainteresiranih aktera i predloženih partnera, prema potrebi. (Ohrabruje se partnerstvo sa lokalnim organizacijama civilnog društva i/ili neformalnim građanskim inicijativama. Najviši broj bodova se dodjeljuje samo u slučaju da podnosioc projekta uključuje lokalne partnere u implementaciju projekta).	5	
3.3. Da li je akcioni plan jasan i izvodljiv?	10	
3.4. Da li prijedlog sadrži dobro definirane rezultate projekta?	10	
4. Održivost projekta	Bodovi	Ukupni maks. broj bodova
4.1 Da li je vjerovatno da će projekat imati pozitivan utjecaj na svoje ciljne grupe?	5	10
4.2 Da li je vjerovatno da će projekat imati efekte multiplikacije ?	5	
5. Budžet i ekonomičnost	Bodovi	Ukupni maks. broj bodova
5.1. Da li je predloženi budžet realan, jasan i povezan s očekivanim rezultatima? Da li sadrži narativna pojašnjenja stavki?	5	10
5.2. Da li je predloženi budžet u skladu s kriterijima o prihvatljivosti troškova? Da li je osigurano dodatno sufinansiranje od strane aplikanta i/ili drugih subjekata?	5	
UKUPNI MAKSIMALNI BROJ BODOVA		100

Nakon ocjenjivanja, LGFBiH tim definira listu prijedloga projekata u skladu sa ostvarenim brojem bodova i u okviru raspoloživih finansijskih sredstava i drugim prethodno definiranim kriterijima te daje prijedlog za usvajanje Upravnom odboru LGFBiH-a.

Projekti predloženi za finansiranje u okviru ovog javnog poziva će biti predmetom konačnog odobranja od strane Upravnog odbora LGFBiH-a. Upravni odbor LGFBiH donosi odluku o projektima koji će biti podržani u drugoj polovini novembra 2012. godine.

4.5. Obavijest o rezultatima poziva za podnošenje prijedloga projekata

Aplikanti će biti pismeno obaviješteni o rezultatima javnog poziva.

Aplikanti koji se smatraju oštećenim uslijed pogreške ili nepravilnosti tokom postupka mogu zatražiti dodatno pojašnjenje odluke.

Aplikantima mogu biti sugerirane određene korekcije prijedloga projekata, a na osnovu stručnih mišljenja prikupljenih tokom procesa odabira prijedloga projekata za finansiranje.

4.6. Potpisivanje grant sporazuma

LGFBiH zadržava pravo da na osnovu naknadnih izmijena i dopuna prijedloga projekata prikupljenih u zadanom roku, a na osnovu sugeriranih korekcija, izvrši dodatno bodovanje i eventualno odobri, ili ne odobri, specifični prijedlog projekta.

Nakon odluke o dodjeli grantova, korisniku će se ponuditi sporazum u skladu sa SNV pravilima. Sporazum će definirati međusobna prava i obaveze SNV-a, općine, eventualnih trećih strana i korisnika granta. Sporazumi trebaju biti potpisani tokom decembra 2012. godine, s ciljem početka implementacije sa 01.01.2013. godine.

Lokaliziranje gendera u Federaciji Bosne i Hercegovine

5. Indikativni vremenski okvir

AKTIVNOST	DATUM ¹
Objavlivanje poziva za podnošenje prijedloga projekata	do 01.10.2012.
Izražavanje zainteresiranosti putem dostavljanja pisma interesa LGFBiH-u	do 08.10.2012.
Eventualni informativni sastanci u općinama	01.-15.10.2012.
Dostavljanje informacije o ocijeni relevantnosti projektne ideje zainteresiranim potencijalnim aplikantima, zajedno sa obrascima za izradu prijedloga projekta	do 15.10.2012.
Obuka za članice i članove GRG-ova: Proces pripreme i evaluacije prijedloga projekata	prva polovina oktobra 2012
Obuka za potencijalne aplikante: Priprema prijedloga projekata za LGFBiH	druga polovina oktobra 2012
Dodatni upiti, pojašnjenja i tehnička podrška	do 31.10.2012.
Rok za dostavu prijedloga projekata	05.11.2012.
Administrativna provjera prijedloga projekata	do 08.11.2012.
Inicijalna ocijena prihvatljivosti prijedloga projekata od strane općinskih GRG-ova	do 18.11.2012.
Finalno rangiranje prijedloga projekata i donošenje odluke o listi projekata koji će biti finansirani od strane LGFBiH-a	do 30.11.2012.
Obavijest o rezultatima poziva	do 10.12.2012.
Eventualne izmjene i dopune prijedloga projekta	do 20.12.2012.
Potpisivanje ugovora i početak implementacije projekata	do 31.12.2012.

6. Dodaci

Dodatak I: Tabela za obrazloženje i prioritizaciju potencijalnih prijedloga projekata

¹ Navedeni vremenski okvir je orijentacione prirode i može biti izmjenjen, a o čemu će zainteresirane strane biti pravovremeno direktno informirane

Dodatak I: Tabela za incijalnu ocjenu prihvatljivosti prijedloga projekata

Tabela za incijalnu ocjenu prihvatljivosti prijedloga projekata

Općina:

Datum bodovanja:

Ime i prezime članice ili člana GRG-a:

Za svaku potencijalno izvodljivu projektnu ideju, molimo pripremiti kratko pojašenje i obrazloženje o ispunjavanju kriterija datih u donjoj tabeli. Bitno je naglasiti da, na osnovu narativnog obrazloženja svake projektne ideje, projektni prijedlog treba da:

- 1) Jasno ispunjava barem 3 od donjih navedenih 6 osnovnih kriterija;
- 2) Za ispunjavanje svakog kriterija projektu se dodaje od 1 do 5 bodova.

Alat koji može poslužiti kao pomoć članicama i članovima GRG-a u ovom procesu su projektne ideje razrađene u procesu izrade općinskih GAP-ova, gdje su dati generalni parametri svakog projekta.

Na osnovu kratkog obrazloženja o tome kako svaki predloženi projekat ispunjava date kriterije, svaki član vrši individualno bodovanje projekata u skladu sa donjom tabelom. Na skali od 1 do 5, članovi GRG-a dodjeljuju bodove o tome u kojoj mjeri projektna ideja ispunjava svaki od kriterija za odabir. Npr. ukoliko projektna ideja u potpunosti ispunjava dati kriterij i ukoliko je to jasno obrazloženo, dobit će maksimalni broj bodova – „5“. S druge strane, ukoliko projektna ideja direktno ne ispunjava određeni kriteriji onda će joj biti dodjeljeno „0“ bodova. Prema tome, ukupan zbir bodova koji neka projektna ideja u idealnom slučaju može dobiti je 35 bodova (uzimajući u obzir i ispunjavanje dodatnih kriterija). Da bi mogao biti uzet u razmatranje za implementaciju, projekat mora ostvariti najmanje 20 bodova. Finalni broj bodova se određuje na osnovu prosjeka broja bodova svih članica i članova GRG-a date općine.

Lokaliziranje gendera u Federaciji Bosne i Hercegovine

Naziv projektne ideje:		
Osnovni kriteriji	Kratko narativno obrazloženje	Bodovi(1 – 5)
1. Projekat ima višestruki efekat na lokalni razvoj (efekat poluge) i njegovom implementacijom će se direktno stvoriti osnova za implementaciju drugih projekata/aktivnosti.		
2. Projektni rezultati će imati direktan pozitivan uticaj na veću grupu žena		
3. Projektom se omogućava zapošljavanje ili otvara mogućnost za zapošljavanje žena na području općine.		
4. Projekat direktno i pozitivno utiče na poboljšanje pružanja javnih usluga na području općine.		
5. Projekat direktno doprinosi poboljšanju kvaliteta života socijalno isključenih/ranjivih kategorija stanovništva na području općine.		
6. Projektni rezultati će imati direktan pozitivan uticaj na politički i sveukupni društveni angažaman žena.		
Dodatni bodovi:		
Dodatni kriteriji	Kratko narativno obrazloženje	Bodovi (1 – 5)
7. Projekat za partnere ima privatni i/ili nevladin sektor i/ili insitucije viših nivoa vlasti, koji osiguravaju dodatni finansijski doprinos za njegovu implementaciju		